

SOALAN NO. 48**PEMBERITAHUAN PERTANYAAN DEWAN RAKYAT**

PERTANYAAN : LISAN

**DARIPADA : YANG BERHORMAT TUAN OSCAR LING CHAI
YEW [SIBU]**

TARIKH : 25 OKTOBER 2017

SOALAN :

YB Tuan Oscar Ling Chai Yew [Sibu] minta PERDANA MENTERI menyatakan berapakah persatuan-persatuan telah berjaya memohon menjadi penolong pendaftar pemilih di Malaysia. Senaraikan mengikut negeri. Adakah ahli parlimen boleh memohon menjadi penolong pendaftar pemilih.

JAWAPAN: YB DATO' SRI AZALINA BINTI OTHMAN SAID,
MENTERI DI JABATAN PERDANA MENTERI.

Tuan Yang di-Pertua,

Untuk makluman Ahli Yang Berhormat, sehingga 30 September 2017, Suruhanjaya Pilihan Raya (SPR) telah melantik seramai **205 orang** Penolong Pendaftar Pemilih (Wakil Pertubuhan) yang mewakili **59** Pertubuhan Bukan Kerajaan di seluruh negara.

Untuk makluman Ahli Yang Berhormat juga, SPR telah menghentikan pelantikan semula/ baru Penolong Pendaftar Pemilih (Wakil Parti Politik) sejak tahun 2013. Justeru, SPR hanya melantik Penolong Pendaftar Pemilih dari kalangan penjawat awam sebagai Penolong Pendaftar Pemilih (Wakil Jabatan), ahli-ahli Pertubuhan Bukan Kerajaan sebagai Penolong Pendaftar Pemilih (Wakil Pertubuhan) dan kakitangan universiti/ kolej sebagai Penolong Pendaftar Pemilih (Wakil Universiti/ Kolej).

Sekian, terima kasih.